

Script of Evening Gojri News Bulletin 22 December 2024 at 1700 Hrs

ایوٹننگ گو جری نیو ز بلیٹن مو 22 دسمبر 2024

- 1★ وزیر اعظم نریندرمو دی نے کہیو ہے جے بھارت تے کوویت غی تا ریخی، ثقافتی تے آپسی احترام ور مبنی روایت سانجی ہیں۔
- 2★ وادی کشمیر مانہ جا ری سخت ٹھنڈ غے دوران لوکاں نانہ بہتر سہولت مہیا کران غی خاطر بذاتِ خود وادی مانہ موجود ریں گا۔
- 3★ وزیر صحت سکینہ اتو غو کہنو ہے جے سرکار معذور افراد نانہ ضروری وسائل تے امداد مہیا کران غی پابند ہے۔
- 4★ بھارت غی 19 بہراں تیں کہٹ عمر غا کھلاڑیاں غی کواتین کرکٹ ٹیم نے 20 اووراں غا ضمیرہ مانہ ایشیا کپ غو خطاب اپنے ناں کرلیو ہے۔
- 5★ تے جموں کشمیر مانہ سردی غی شدید لہر غے دوران محکمہ موسمیات نے آئندہ 26 دسمبر توڑی موسم خشک رہن غی پیشنگوئی کی ہے۔

PM Kwait

وزیر اعظم نریندرمو دی نے کہیو ہے جے بھارت تے کوویت تا ریخی، ثقافتی تے آپسی احترام غی بنیاد ور مبنی کثیر رُخی آپسی تعلقات غا حامل ہیں۔ کوویت نیوز ایجنسی ”کے یو این اے“ سنگ اک انٹرویو مانہ نریندرمو دی نے کہیو ہے دوواں مُلکاں بشکار توانائی، بیوپار تے سرمایہ کاری ور مبنی تعلقات کا فی مضبوط ہیں۔ اُن غو کہنو تھو جے دوواں مُلکاں بشکار تجارت آپسی تعلقات مضبوط بنان مانہ اک سٹون غی حثیت رکھے، تے اس راہ یہ تعلقات مزید مضبوطی در اگے بدھ رہیا ہیں۔ وزیر اعظم نے کہیو ہے اس توں علاوہ بھارتی نثار غو کوویت غو کوویت کم کر رہیا لوکاں غی وجہ نال وی دوواں مُلکاں غا آپسی تعلقات مانہ مضبوطی آری ہے۔ بھارت غی نرم طاقت عالمی رسائی مانہ کس راہ اثر و رسوخ پیدا کر سکے غا جواب مانہ وزیر اعظم نے کہیو ہے بھارت غی تہذیبی اخلاقیات تے وراثت اس غی نرم طاقت غی بنیاد ہے۔

CM Srinagar

وادی کشمیر مانہ پے رہی سخت ٹھنڈ غے با وجود وزیر اعلیٰ عمر عبداللہ نے آئندہ ہفتہ غے دوران بذاتِ خود سرینگر مانہ رہے غے محکمہ بجلی تے دوجی اہم خدمات غا کم کاج غو جائزہ لین غو اعلان کیو ہے۔ وزیر اعلیٰ عمر عبداللہ نے راجستھان غا جیسل میر مانہ جی ایس ٹی کونسل تے بجٹ تیں پہلاں غی میٹنگاں مانہ شرکت تیں بعد اس فیصلہ بارے کئی ٹویٹز غے ذریعے یاہ جانکاری دی۔ جس مانہ اُنہاں نے سخت سردیاں غا دناں مانہ وادی کشمیر غا لوکاں نانہ درپیش للکاراں غا آزالہ غی خاطر کیا گے اپنا عہد نانہ پوراں کرن غی گل کی۔ واضح رہے جے وادی کشمیر مانہ سخت ٹھنڈ غی وجہ نال حالیہ کئی بہراں غا مقابلے درجہ حرارت مانہ ریکارڈ کمی درج کی گئی ہے۔ سرینگر مانہ حال ہی مانہ کہٹوں کہٹ درجہ حرارت منفی 8 عشاریہ 5 ڈگری سلیسس ریکارڈ کیو گیو ہے۔ جھپڑو گذشتہ 50

بہراں مانہ سب تیں کہٹ درجہ حرارت ریکارڈ ہوؤ ہے۔ سخت ٹھنڈ غی وجہ نال پانی تے بجلی غی سپلائی مانہ رُکاوٹ آرہی ہے تے رہا ٹشیاں نانہ اس راہ سخت تگودو کرنو پے رہی ہے۔

VP Charan Singh Award

نا ئب صدرِ جمہوریہ جدگپ دھنکڑ نے کہیو ہے جے ذراعت گرائیں ترقی مانہ ریڑھ غی بڈی غی حثیت رکھے تے جد توڑی گرائیاں غی حالت مانہ تبدیلی نہیں آجا تی، مُلک اک ترقی یا فتنہ قوم بنن مانہ کامیاب نہیں ہو سکتو۔ اج نوی دلی مانہ چودھری چرن سنگھ ایوارڈ سال 2024 غا انعام یا فتنہ افراد سنگ گل کرتاں واں جناب دھنکڑ غو کہنو تھو جے گرائیں معیشت مانہ تاں ہی بابدو ہو سکے گو جے کدیں کسان تے اُس غا کُنبہ غا افراد نانہ ما رکیٹنگ، قومی معیشت غا مفاد تے گروپ بنا غے کا روبا ر مانہ بابدو کرن جیسی سرگرمیاں مانہ شامل کیو جائے۔ بھارت غا اقتصادی بابدہ با رے گل کرتاں واں نا ئب صدر نے مزید کہیو ہے اس ویلے بھارت دُنیا غی 5 ویں سب تیں بڑی معیشت ہے، تے تاواں ہی جاپان تے جرمنی تیں آگے نکل غے بھارت دُنیا غی تیجی بڑی معیشت بنن در آگے بدھ رہیو ہے۔

Dogri Maanta Divas

جموں خطہ مانہ اج ڈوگری مانتا دیوس منایو جا رہیو ہے۔ اج غے تہارے ڈوگری زبان نانہ آئین غا اٹھواں شیڈول مانہ شامل کیو گیو تھو تے ڈوگری زبان اک قومی زبان بنی تھی۔ اس با رے تقریبات غا سلسلہ مانہ بکھ بکھ ثقافتی تقریبات بشمول موسیقی، ناچ تے ادبی مباحثہ خطہ پھر مانہ منعقد ہوا۔ اس غے علا وہ ممتاز ادیبان، فنکاراں تے رہنماواں نے ڈوگری ثقافت تے زبان غا تحفظ تے فروغ غی اہمیت ور آو کہلتاں واں کہیو۔۔ با ٹ۔۔

Suspects Arrested

وادی کشمیر غا با رہمولہ تے بانڈی پورہ ضلعان مانہ 3 مشکوک افراد نانہ گرفتار کر لیو گیو ہے، جن غا قبضہ تیں ہتھیار تے گولی سکو وی ضبط کیو گیو ہے۔ اک خصوصی سُو ملن غے بعد یا ر بُگ، با رہمولہ مانہ فوج تے جموں کشمیر پولیس غی اک مشترکہ گشتی گڈی چیک پوسٹ ایم وی سی پی قائم کی گئی۔ جتوں 2 مشکوک افراد نانہ گرفتار کر غے اُن گا قبضہ تیں اک پستول، دو ہتھ گولہ تے کُجھ جنگی نو عیت غا سٹور ضبط کیا گیا۔ اسے طرح غا اک بور واقع مانہ اک خاص سُو غی بنیا د ور بانڈی پورہ غا چُھن پورہ علاقہ مانہ اک ایم وی سی پی قائم کی گئی۔ جتوں اک مشکوک شخص نانہ گرفتار کیو گیو ہے، اس غا قبضہ تیں اک پستول، اک ہتھ گولو، تے کُجھ جنگی نو عیت غا سٹور برآمد کیا گیا۔ پولیس غی طرفوں اس سلسلہ مانہ مزید کا روائی کی جا رہی ہے۔

Prashan Gaon Ki ore

پر شاسن گاؤں کی اور مہم غو مقصد بہتر انتظامیہ غا اصولاں نانہ تقویت دینو تے زمینی سطح ور خدمات غی فراہمی نانہ بہتر بنانو ہے، تے رام بن غی مجموعی ترقی واسطے یاہ مہم ضلع انتظامیہ غا عزم غی عکا سی کرے۔ اس پروگرام مانہ رام بن غو میڈیکل ڈیپارٹ منٹ وی ضلع انتظامیہ رام بن نال مل غے لوکاں غی صحت غی فوری جانچ کرن مانہ تعاون کر رہیو ہے۔ پر شاسن گاؤں کی اور مہم غے تحت لایا جا رہیا ہر کیمپ مانہ ڈاکٹر تے دوجو طبی عملو موجو د ہے۔ یہ کیمپ رام بن غی بکھ بکھ جگہیں گول، سنگلدان تے گنڈی دھرم بلاکاں مانہ منعقد کیا جا رہیا ہیں۔ اس با رے گل کرتاں واں سی ایم او رام بن ڈاکٹر کمال جی دڈو نے دسیو۔ با ٹ۔۔۔

مزید خبراں نال عبدالمجید ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو با ٹل ایپ تے ڈی ٹی ایچ ور وی دستیاب ہیں)

Health Minister Itoo

صحت تے طبی تعلیم غی وزیر سکینہ اِتو نے اج کہیو ہے جے حکومت خصوصی طور ر ور معزور افراد نانہ ضروری وسائل تے مدد فراہم کرن واسطے پُر عزم ہے، تانجے وے اک آزاد، معیار تے باوقار زندگی گزار سکیں۔ وزیر نے یہ گل براہمن سبھا پریڈ مانہ خصوصی طور ور معزور افراد مانہ مصنو عی اعضاء کالپیر، کلچ، ٹرائی سائیکل تے پہیا آلی گُرسیاں غی تقسیم غے دوران کہیں۔ اس تقسیم کاری غو انعقاد بھگوان مہاویر ویکلانگ سہاتیا سمیتی کوٹا غا اشتراک نال دیہی بجلی کاری کا رپو ریشن غی سرپرستی مانہ شری آتم ولہ جین کلینک جموں غی طرفوں کیو گیو تھو۔ اِت بولتاں واں وزیر موصوفہ نے کہیو ہے جے ہم معزور افراد واسطے پنشن نانہ 1 ہزار تیں بدھا گے 3 ہزار کرن ور کم کر رہیا ہیں۔

Bicycle Man

نیرج کمار جس نانہ سائیکل مین غا ناں نال جانیو جا ئے۔ نے جموں کشمیر غا ضلع ریا سی غا خوبصورت اور دشوار گزار خطہ غا کساناں نانہ باختیار بنان واسطے اک ہور متاثر گُن پہل کی ہے۔ جدید تے پائیدار کاشتکاری غا طریقاں غا بارہ مانہ بیداری پھیلان غا مشن نال نیرج نے گرایاں تے تے دور دراز گا ذرعی مراکز غو سفر سائیکل ور شروع کیو ہے۔ زمینی سطح ور اقدامات غا سلسلہ مانہ اپنی لگن واسطے مشہور نیرج کمار غو مقصد کساناں مانہ جدید ذرعی تکنیکاں، کھاد غی کاشتکاری، پانی غا تحفظ وغیرہ غا بارہ مانہ معلومات غا فرق نانہ پُر کرنو ہے۔ اُن غو کہنو تھو۔ با ٹ۔۔۔

JMC Street Light

شہر غی گلیاں مانہہ روشنی غابنیا دی ڈھانچہ نانہہ مزید بہتر کرن غا سلسلہ مانہہ جموں میونسپل کا رپو ریشن نے اک اہم قدم چایو ہے۔ شہری علاقہ مانہہ گلیاں مانہہ لو غی ضرورت نانہہ پوری کرن غا سلسلہ مانہہ ای ای سی ایل نال اک نواں قدم غے تحت جموں میونسپل کا رپوریشن نے 4 ہزار 5 سو 70 گلیاں مانہہ لائی جان آلی لائٹ موصول کی ہیں۔ جے ایم سی غا کمشنر ڈاکٹر دیوانش یا دؤ نے دسیو ہے جے اس نال جموں پھر مانہہ حفاظت تے حد نظر مانہہ شفافیت مانہہ بہتری آوے گی۔ عوام نانہہ یقین دتو گیو ہے جے گلیاں مانہہ روشنی غے متعلق کوئی مسئلو ہووے غو تاں اُس غو آزالو کیو جائے گو۔ جے ایم سی کمشنر ڈاکٹر دیوانش یا دؤ نے کہیو۔ بائٹ۔

Women Cricket Asia cup

خواتین کرکٹ مانہہ بھارت نے فائنل مانہہ بنگلہ دیش نانہہ 41 دوڑاں نال برا غے ملائیشیا غا کوالمپور مانہہ 19 بہراں تیں کہٹ عمر غی کالسریاں غا اے سی سی ٹی 20 ایشیا کپ غو افتتاحی خطاب جیت ليو ہے۔ بنگلہ دیش غی ٹیم 118 دوڑاں غا تعاقب مانہہ 18.3 اووراں مانہہ صرف 76 دوڑ بنا غے آؤٹ ہو گئی۔ بھارت غی طرفوں ایوشی شکلا نے 3 جد کہ پاروینکا سسودیا تے سونم یادو نے 2/2 وکٹ حاصل کیں۔ بھارت غی ٹیم نے پہلاں بلے بازی کرتاں واں مقررہ 20 اووراں مانہہ 7 کھلاڑیاں غا نقصان ور 117 دوڑ بنائیں تھیں۔ گو نگا ڈی تریشا 47 گینداں مانہہ 52 بنا غے سرفہرست رہیں۔

Weather

جموں کشمیر مانہہ سردی غی لہر غی وجہ نال ٹھنڈ غی شدت مانہہ مسلسل بابدو ہو رہیو ہے۔ جموں خطہ غو کہٹو کہٹ درجہ حرارت 5 عشاریہ 4 ڈگری سلیسس تک کہٹ ہو گیو ہے۔ محکمہ موسمیات نے 26 دسمبر توڑی موسم عام طور ور خشک رہن غی پیشنگوئی کی ہے۔ درجہ حرارت مانہہ گراوٹ تے اُوچا علاقاں غی سڑکاں ور تلکن غے پیش نظر سیلانیان نانہہ مشورو دتو جائے جے وے متعلقہ محکمہ غی طرفوں جا ری ہدایات ور عمل کریں۔
